

**MINISTARSTVO UNUTRAŠNJIH POSLOVA KANTONA SARAJEVO – UPRAVA
POLICIJE, La Benevolencija br. 16, koju zastupa policijski komesar, Generalni inspektor
policije Nusret Selimović, (u daljem tekstu Ugovorni organ)**

i

**Inter-com d.o.o. Zenica, Vrandučka 71b, ID broj: 4218087760006, kojeg zastupa
direktor, Safet Škaljić, (u daljem tekstu Dobavljač)**

Zaključili su:

UGOVOR O NABAVCI HRANE ZA ODRASLE SLUŽBENE PSE

Član 1.

Predmet ovog ugovora je nabavka hrane za odrasle službene pse, za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem konkurentskog zahtjeva za dostavu ponuda, na osnovu Odluke broj 02-11-4-2639/21 od 21.05.2021. godine.

Ugovor se zaključuje u skladu sa uslovima iz tenderske dokumentacije, ponudom Dobavljača, odredbama Okvirnog sporazuma broj 02-11-4-2639-6/21 od 05.08.2021. godine i stvarnim potrebama Ugovornog organa.

Ponuda broj: 00294-06/21 od 28.06.2021. godine sastavni je dio ovog ugovora.

Član 2.

Roba iz člana 1. ovog ugovora će se isporučivati sukcesivno, prema narudžbama Ugovornog organa, u zavisnosti od potreba Uprave policije.

Ukupna cijena ovog ugovora za predmetnu nabavku iznosi do 8.704,80 (osamhiljadasedamstotinačetiri i 80/100) KM bez PDV-a.

Dobavljač se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog ugovora vršiti isporuke predmetnih roba, za potrebe Uprave policije Ministarstva unutrašnjih poslova Kantona Sarajevo.

Član 3.

Dobavljač se obavezuje da ugovorena isporuku izvrši u roku od 5 (pet) dana od dana dostavljanja narudžbenice.

Sve troškove isporuke do primopredaje, kao i troškove reklamacije snosi Dobavljač.

Roba će se isporučiti na adresu Ugovornog organa, Sektor za policijsku podršku, Nahorevska bb, 71000 Sarajevo.

Član 4.

Prilikom isporuke robe koja je predmet ovog ugovora, ovlaštena osoba Dobavljača je obavezna ovlaštenoj osobi ispred Ugovornog organa dostaviti otpremnicu za isporučene robe (po vrsti i količini) u dva primjerka, koja je uredno ovjerena i potpisana od strane ovlaštene osobe Dobavljača. Po prijemu robe otpremnicu potpisuje i ovlaštena osoba Ugovornog organa, zadužena za prijem robe.

O isporučenoj robi bit će sačinjen zapisnik o kvantitativnom i kvalitativnom prijemu (čiji će sastavni dio biti otpremnica). Zapisnik se sačinjava u dva istovjetna primjerka, od kojih jedan zadržava Ugovorni organ, a jedan Dobavljač. Zapisnik će biti potpisan od strane ovlaštenog

lica Ugovornog organa i od strane ovlaštenog lica Dobavljača. Sve primjedbe na izvršenu isporuku će biti konstatovane u zapisniku.

Ukoliko lice zaduženo za prijem robe konstatuje određene nedostatke u kvalitetu ili kvantitetu isporučene robe, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Ovlaštene osobe ispred ugovornih strana će biti određene i strane međusobno obavještene o tome, u roku od 10 (deset) dana od dana potpisivanja ovog ugovora.

Član 5.

Dobavljač se obavezuje priznati reklamaciju na kvantitet i kvalitet isporučene robe, koja će biti propraćena zapisnikom o reklamaciji, uz obavezno navođenje nedostataka isporučene robe i datuma i broja računa (otpremnice) Dobavljača kako bi se zadovoljili uslovi reklamacijskog roka.

Roba će se smatrati uredno isporučenom tek kada u zapisniku o prijemu bude konstatovano da je primopredaja izvršena bez primjedbi.

U slučaju osnovanih primjedbi na ispunjenje sporazumnih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke otkloni u što kraćem roku, koji će mu u zapisniku odrediti Ugovorni organ.

Član 6.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko Dobavljač ne dostavi garanciju za uredno izvršenje ugovora u predviđenom roku ugovor se neće smatrati zaključenim.

Član 7.

Plaćanje za isporučenu robu će se vršiti u roku od 30 (trideset) dana od dana uredno izvršene isporuke i dostavljanja pojedinačne fakture, na tekući račun Dobavljača.

Član 8.

Ukoliko Ugovorni organ ocijni da Dobavljač nije u stanju kontinuirano i kvalitetno izvršavati preuzete obaveze, odnosno ukoliko ponuđena roba nije u skladu sa datom ponudom iz člana 1. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

Član 9.

Ugovorni organ zadržava pravo raskida ugovora ukoliko isporučena roba u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 10.

U slučaju kašnjenja u isporuci roba, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Član 11.

Garancija Dobavljača na isporučenu robu iznosi:

- 12 (dvanaest) mjeseci i počinje da teče od datuma isporuke.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja ili više sile.

Član 12.

Ukoliko Ugovorni organ, nakon upotrebe hrane, a u roku od 1 mjeseca od početka primjene (odnosno obostranog potpisivanja ugovora) primjeti promjene u zdravlju službenih pasa (pad imuniteta, opadanje dlake, poremećaje u probavi, i sl.) tražit će se liječnički pregled službenih pasa od ovlaštene ustanove.

Ukoliko se nalazom ovlaštene ustanove utvrdi da je hrana mogući uzrok naprijed navedenim promjenama u zdravlju službenih pasa, te dobije preporuka za promjenu iste, Ugovorni organ zadržava pravo jednostranog prekida ugovora, bez saglasnosti druge ugovorne strane, u roku od 15 dana od dana dostavljanja preporuke od strane ovlaštene ustanove.

Član 13.

Prilikom svake isporuke hrane Ugovorni organ zadržava pravo da u bilo kojem trenutku izvrši uzimanje uzoraka. Isti će se uzeti u prisustvu obje ugovorne strane, te će se poslati akreditovanom tijelu na ispitivanje, o čemu će se sastaviti zapisnik.

Ukoliko akreditovano tijelo nalazom ustanovi da hrana ne zadovoljava parametre tražene tenderskom dokumentacijom, ugovorni organ zadržava pravo da jednostrano raskine ugovor i okvirni sporazum bez saglasnosti druge ugovorne strane u roku od 15 dana od dana dostavljanja nalaza od strane akreditovanog tijela.

Član 14.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obaavijestiti drugu stranu o nastanku nepredviđenih okolnosti odgovarajuće dokaze.

Član 15.

Dobavljač nema pravo zapošljavati, u svrhu izvršenja ovog ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 16.

Na ostala prava i obaveze ugovornih strana, koja nisu regulisana ovim ugovorom primjenjivat će se odredbe Zakona o obligacionim odnosima.

Član 17.

Eventualno nastale sporove pri realizaciji ovog ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 18.

Ovaj ugovor je zaključen, kada isti potpišu obje ugovorne strane i traje do realizacije ugovorene vrijednosti, a najduže do isteka važenja okvirnog sporazuma.

Član 19.

Ovaj ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

**DOBAVLJAČ**
Inter-com d.o.o. Zenica

direktor Safet Škaljić

**UGOVORNI ORGAN**
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Nusret Selimović

Broj :

279-08/22

Datum:

29.08.2022gd,

Broj: 02-11-4-2639-8/21

Datum: 22.08.2022. godine